

მ წ მ ს ი

ქართული
ენის ლექსიკონი

რ უ ი ც ი ა ლ უ რ ი ბ ა ნ ე ო უ ი ლ მ ბ ა .

უწმიდესის სინოდის გადაწყვეტილება.

2—12 ოქტომბრიდან 1896 წ. მე-3057 ნომრით რუსეთის სახელმწიფოს მცხოვრებთა პირველის საყოველთაო აღწერის შესახებ.

უკანასკნელ მისის იმპერატორებითის უდიდებულესობისა, უწმ. და უმართებელესმა სინოდმა მოისპინეს: წინადადება ბ. აღმასრულებლის სინოდის ობერ-პროკურორის თანამდებობა, 23 წარსულის ენკენისთვიდან მე-5734 ნომრით, შინაგან საქმეთა მინისტრის მოწერილობის შესახებ, რომელშიაც (მოწერილობაში შემთხვევისაგან) რუსეთის სახელმწიფოს მცხოვრებთა პირველია საერთო აღწერისა, ის (მინისტრი) თხოულობს—წარედგინოს მას აზრი იმის თაობაზე, რომ არაფერი დაბრკოლება გადაეღობება წინ იმ გარემოებას, რომ საგუბერნიო და სამაზრო სააღწერო კომისიებში, სადაც კი საჭირო იქნება, დანიშნულ იქმნენ სსუდიერო წოდების წარმომადგენელი, აღრჩეული საეპარქიო მთავრობის მერ გუბერნატორებთან შეთანხმებით, ამასთანავე მინისტრი გამოსთქვამს თვის სურვილს იმის თაობაზე, რომ საეკლესიო და სამღვდლო მსახურთა არა თუ მხოლოდ იკისრონ თანამდებობანი მონაგარიშეთა, არამედ საზოგადოდ, რათა სასულიერო წოდებამ ყოველ მსგან დამოკიდებულ ზომათა შემწეობით დახმარება აღმოუჩინოს აღწერის წარმატებას. ბრძანეს: თუ მივიღებთ მხედველობაში მას, რომ თანახმად უმადლესად დამტკიცებულის 1895 წელსა 5 თიბათვეს განჩინებისა შესახებ რუსეთის სახელმწიფოს მცხოვრებთა პირველის საერთო აღწერისა, შინაგან საქმეთა მინისტრს ნება ეძლევა — მოიწვიოს აღწერის საქმეში მონაწილეობის მისაღებად და დანიშნოს საგუბერნიო და სამაზრო სააღწერო კომისიებში, სხვა უწყებებში მსახურნი მოხელენიც, მათთან წინდაწინ შეთანხმების შემდეგ, და რომ რწმუნებისამებრ

როგორც გუბერნატორთა, აგრეთვე უმთავრესის სააღწერო კომისიისა, რადგან მეტის მეტად ძნელია მოიძებნოს საჭირო რიკხვი კეთილ საიმედო და საქმაოდ განათლებულ მონაგარიშეებისა, სასურველია მიწვეულ იქმნენ საეკლესიო და სამღვდლო მსახურნი მონაგარიშეების თანამდებობათა აღსასრულებლად, უწმიდესი სინოდი გადაწყვეტს: ა, მიენდოს ბ. აღმასრულებელ სინოდის ობერ-პროკურორის თანამდებობათა აცნობოს შინაგან საქმეთა მინისტრს, რომ სინოდის მხრით არავითარნი დაბრკოლებანი არ გადაედობებიან წინ საგუბერნიო და სამაზრო სააღწერო კომისიებში, სადაც კი საჭირო იქნება, სასულიერო უწყებთა წარმომადგენელთა დანიშვნას, იმ წარმომადგენელთა, რომელთაც საეპარქიო მთავრობა აღიჩნევს დუბერნატორებთან შეთანხმებით და ბ, მიენდოს ეპარქიალურს მღვდელ-მთავრებს ნება დართონ რწმუნებულის მათდამო ეპარქიების საეკლესიო და სამღვდლო მსახურებს, რათა ამ უკანასკნელებმა იკისრონ მონაგარიშეთა თანამდებობანი და, ამისგან დამოუკიდებლად, ჰქმნან თვისის მხრით განკარგულება, რომ სასულიერო წოდებამ ყოველ მისგან დამოკიდებულ ზომათა საშუალებით დახმარება აღმოუჩინოს აღწერის წარმატებას, რომელ აღწერასაც აქვს სახელმწიფოსათვის დიდი მნიშვნელობა; რაის შესახებ დაიბეჭდოს «საეკლესიო უწყებათა» ქურნალში.

უწმიდესის სინოდის არსებულის სასწავლებლო საბჭოს მიერ.

საეკლესიო-სამრევლო სკოლების მასწავლებელთათვის რუსეთის სახელმწიფოს მცხოვრებთა მომავალ საერთო აღწერის დროს მონაგარიშეთა თანამდებობათა მიღების ნებართვი მიცემის შესახებ.

ბ. შინაგან საქმეთა მინისტრმა აცნობა ბ-ნ უწმიდესის სინოდის ობერ-პროკურორს, რომ

გუბერნატორებთან და თემთა უფროსებთან სახელმწიფოს მომავლის საერთო აღწერის თაობაზედ მიწერ-მოწერის დროს აიხსნა, რომ ისინი დიდს დაბრკოლებებს ხვდებიან კეთილსაიმედო და საკმაოდ განათლებულის პირთა საჭირო რიცხვის მოპოვებაში, რომელთაც შეიძლება მიენდოს თანამდებობანი მოანგ რიშეთა, რომელთ სიკარგეზეა დამყარებული აღწერის სიკარგეც. ამის გამო ბევრი გუბერნატორები სთხოვენ შინაგან საქმეთა მინისტრს შუამდგომლობას ნება მიეცესთ საეკლესიო სამრევლო სკოლების მასწავლებლებს იკისრონ თანამდებობანი მოანგარიშეთა. აცნობებს რა ამას, ბ. შინაგან საქმეთა მინისტრი დასძინს, რომ მოანგარიშეთა სააღწერო შრომა გაგრძელდება 28 ქრისტეშობისთვიდან მიმდინარე წლისა პირველს თებერვლამდის 1897 წლისა და რომ იმ შემთხვევაში, უკეთუ უზრუნველ საყოფელად ესრედ დიდის სახელმწიფო საქმის წარმატებისა, როგორც არის მომავალი აღწერა, შესაძლებელად ცნობილ იქმნება დაკმაყოფილება ხსენებულის შუამდგომლობისა, მინისტრი შინაგან საქმეთა თხოულობდა მოხდენილ ყოფილიყო შესაბამნი განკარგულებანი სასულიერო უწყებაში და მისთვის ეცნობებიათ ამის შესახებ, რათა მას თავისი მხრით ეცნობებინა გუბერნატორებსთვის. გარდა ამისა უმთავრესის სააღწერო კომისიის თავმჯდომარის თანაშემწემ სენატორმა სიმეონოვმა აცნობა ბ. აღმასრულებელს სინოდის ობერ-პროკურორის თანამდებობათა, რომ გუბერნატორთა მიერ აღძრულია კითხვა: განთავისუფლებულ იქნებიან თუ არა საეკლესიო-სამრევლო სკოლების მასწავლებელი თვისის სამსახურის მოვალეობათაგან აღწერის წარმოების დროს, და თანაც დასძინენ: საეკლესიო-სამრევლო სკოლების მასწავლებელთა მიერ მოანგარიშების თანამდებობათა აღსრულება შესაძლებელია მხოლოდ იმ შემთხვევაში, უკეთუ ისინი განთავისუფლებულ იქმნებიან სასწავლო საქმეთაგან, დაახლოვებით პირველ თებერვლამდის 1897 წლისა ორის კვირის ადრე და მათს განუთავისუფლებლობას სასამსახურო საქმეთაგან მიუცილებლად შეუძლია ძლიერ შეაფერხოს აღწერის წარმატება, ვინა-დგან ძლიერ ნაკლებად არიან ისეთი პირები, რომელთაც შეიძლებადეს მიენდოს მოანგარიშების თანამდებობათა აღსრულება.

უწმიდეს სინოდთან არსებულმა სასასწავლო ბლო საბჭომ განიხილა ზემოთ ნათქვამი და არ ხედვს არავითარს დაბრკოლებასა დასაკმაყოფილებლად ამ შუამდგომლობისა და, ვინაიდგან მომავალს აღწერას დიდი მნიშვნელობა აქვს სახელმწიფოსთვის, თანახმად სინოდის დამტკიცებისა, დაადგენს: (უწყოს ამის თაობაზე ბ. შინაგან საქმეთა მინისტრს და ეცნობოს ცირკულიარულად «საეკლესიო უწყებათა» შინა დაბეჭდვით ქვემდებარე დაწესებულებათა და სასულიერო უწყების პირთა, რომ საეკლესიო-სამრევლო სკოლების მასწავლებლებს და წერა-კითხვის სკოლების იმ მასწავლებლებს, რომელთაც აქვთ მოწმობა მასწავლებლად წოდებისა, დაუბრკოლებლად ნება მიეცესთ იკისრონ მოანგარიშეთა მოვალეობანი მცხოვრებთა მომავალს საერთო აღწერის დროს სააღწერო უბანთა გამგეობის მიერ მოწოდებით, ისე კი რომ სასწავლო საქმეთაგან იქმნენ განთავისუფლებულნი დაახლოვებით ორის კვირის წინ 1897 წლის 1 თებერვლამდე.

უწმ. სინოდის ობერ-პროკურორის ბრძანება.

უწმ. სინოდის ობერ-პროკურორის ბრძანებისამებრ 25 ენკენისთვიდან 1896 წ. 18 №-ით, თბილისის სასულ. სემინარიის მასწავლებელი დობრონრაჰოვი დანიშნულ არს გორის სასულ. სასწავლებლის ზედამხედველად (უწმ. სინოდის გადაწყვ. 13 მარამობისთვიდან 1896 წლისა).

გადაყვანილ არიან: სასულიერო სასწავლებელთა ზედამხედველები ასეთსავე თანამდებობაზედ სასულ. სასწავლებლებშივე: ოზურგეთისა — სოგინი — თელავისაში, გორისა — ბელიაევი — ოზურგეთისაში, ხოლო თელავისა — მიუკაშვილი გორის სასულ. სასწავლებელში ქართულის ენის მასწავლებლად; სასულიერო სასწავლებელთა მასწავლებლები: კამენცკისა — დობროლოვსკი ჯ სიმბირსკისა ნიკოლოზ არხანგელსკი მასწავლებლად ქუთ. სასულ. სემინარიაში — პირველი — მსოფლიო და რუსეთის სამოქალაქო ისტორიისა, ხოლო მეორე საღმრთო წერილისა.



მწყემსი



მე ვარ მწყემსი კეთილი: მწყემსან კეთილმან სული თვისი დაჰსდვის ცხოვართათვის. (იოან. 10—11).

ჰოვე ცხოვარი ჩემი წაწყმედული. მსრეთ იყოს სიხარული ცათა შინა, ერთისათვის ცოდვილისა. (ლუკ. 15—4).

მოვედით ჩემდა ყოველნი მამუშრალნი და ტვირთ-მძიმენი და მე განვისვენო თქვენ. (მათ. 11 28).

№ 22

1883—1896

15—30 ნოემბერი.

გ ა ზ ე თ ი ს ო ა ს ი :

„მწყემსი“	„მწყემსი“ რუსული გამოცემით
12 თვით 3 მან.	12 თვით 5 მან.
6 — 2 —	6 — 3 —

შულისა და წერილების გაგზავნა შეიძლება ამ ადრესით:
Въ Канцел. и редакц. „Мѣсяца“ и „Наше слово“.

შველა სტატიები და კორექსპონდენციები, რომელნიცა იქმნებიან დასაბეჭდავთ გამოგზავნილნი, ვრცლად და გასაგებად უნდა იყვნენ ავტორთაგან ხელ-მოწერილნი.

სტატია, რომელიც არ დაიბეჭდება, სამი თვის განმავლობაში შეიძლება ავტორებს მათის ხარჯით უკანვე დაებრუნოს.

სტატიები მიიღებიან რუსულს ენაზე დაწერილნიც და თარგმნით დაიბეჭდებიან.

ჯეზუარიტი ღელა სალომე თავდგირიძის ქალი.

სალომე თავდგირიძის ასული კორძაიასი დაიბადა, მიახლოებით 1815 წ., ხოლო მიიცვალა 1875 წ. განსვენებულს სალომეს, როგორც მისის ნაწერებიდანაც სჩანს, ძლიერ უყვარდა საღმრთო წერილი, და კიდევაც შეუსწავლია მას იგი მშვენიერად. ათს წელიწადს იყო სალომე ქმრის ხელში, ხოლო შემდეგ დამქვრივდა. ქმრის სიკვდილის შემდეგ იგი წავიდა იერუსალიმში იესო ქრისტეს საფ-

ლავის თაყვანისაღმად. იქიდგან წავიდა ბეთლემში და ინახულა იორდანის წყალი, სადაც იესო ქრისტემ ნათელ ილა.

იერუსალიმიდან დაბრუნების შემდეგ სალომემ მიჰყო ხელი თეკლათის დედათა მონასტრის შენებას, რომლის აღშენებაში დიდი შრომა და ღვაწლი მიუძღვის განსვენებულს. ცოტა ხანი დაჰყო განსვენებულმა ამ მონასტერში, ხოლო შემდეგ იგი დაინიშნა მღვიმევის დედათა მონასტრის ილუმენიად და განაგებდა მისისავე ღვაწლით აგებულს მონასტერსაც. ორს წელიწადს მსახურებდა ეს დაუღალავი პატიოსანი

საქ. სსრ კ. მარქსის სახ. სახ. რესპუბ. გამომცემი

მუშაკი მღვიმევის მონასტერში, ხოლო შემდეგ მი-
იწვალა.

მრავალი შესანიშნავი დედა-კაცები ყოფილან და
არიან ჩვენში, რომელნიც თავიანთი გონებით და
ნიჭით სწორეთ რომ დიდათ პატივსაცემნი არიან სა-
ზოგადოებისაგან. მაგრამ, სამწუხაროდ, ამისთანა
პირები საზოგადოების მიერ ხშირად შეუმჩნეველნი
რჩებიან. ავილოთ, თუგინდ, სალომე თავდგირიძის
ასული. ამ ქალს ოჯახშივე მიუღია ჩვენებური — ძვე-
ლებური განათლება. როდესაც ის იერუსალიმში სამ-
გზავროდ გამზადებულა, დაუწერია ანდერძი და და-
რიგება თავის შვილის მიხეილისთვის. მაგრამ თავისი
შვილის დარიგების დროს განსვენებულს ჰყოლია
სახეში არა მარტო თავისი შვილი, არამედ ყველა
ისინიც, რომელთაც შეეძლოთ ესარგებლნათ მისი
დარიგებით. ქ-ნ სალომეს დარიგებაში ცხადათ გა-
მოსჭვირს ამ ქალის მტკიცე ქრისტიანული სარწმუ-
ნოება და ზნეობა. ვინც ამ დარიგებას წაიკითხავს,
იგი ცხადათ შენიშნავს, თუ რამდენათ მაღლა დგას
განსვენებული ჰკუა-მეცნიერებით და გამოცდილე-
ბით ჩვენი დროის ზოგიერთ განათლებულს მანდი-
ლოსნებზე. საჭიროდ მიგვაჩნია, აქვე შეუცვლელად
მოვიყვანოთ განსვენებულის მიერ დატოვებული შე-
სანიშნავი დარიგება არა მარტო მისი შვილისა, არა-
მედ ყველასათვის. აი ეს დარიგება, ლექსათ თქმული:

თავადის ქალი სალომე, ასული თავდგირიძისა
ვიყავ პატრონი დიდისა თავადის ძმის და ბიძისა,
მაგრამ სიყრმიდან სოფელი არ მომწონს, დიდად
მიმძიმსა,
მსურს გავეცალო, ვინადგან მსგავსია მცირე ბინდისა.
რა დაყავ სოფელსა ამას ოც და თუთხმეტის
წლობითა,
ვემსახურე და ვამე დას დობით, ძმასაც დობითა,
მივეც ოჯახსა შეწვენა, ყმას — ყმობით, შვილს — დე-
დობითა,
აწ კი ყველას ვეთხოვები, გამარჯვებით, მშვიდობითა.
აჰა, გიტოვებ ანდერძსა, სასურველს შვილს ჩემს
მიხეილს,
შთავებარებ შენს თავს ყოველს: მტერს, მოყვარეს,
მიწას, ხე-ველს,
საქმეს განწმენდილს გიტოვებ, ცუდად არას შესახე-
ბელს,
მე გადავდებ თავს აწ ჩემთვის, სულზედ ძნელად მი-
საღწეველს.

აქამდის, შვილო, მე შენთვის დავსთმე ჩემი გან-
ზრანული,
გარდავდევი თავი ჩემი და ვქმენ შენზედ ჭირნახული;
შევაწუხე პატრონი ღ მტერ-მოყვარე თვალთ-ნახული,
სცანი შენზედ სჯაჲ ჩემი, გულში გქონდეს დამარ-
ხული.

იცი, შვილო, თუ მამაა შენი იყო მქონე რისა,
პატრონობდა თავის კუთვნილს, აწ მომხმარე თავის
ყმისა,
ამისათვის ვაძიულე თავი ჩემი ბრძოლად მტრისა,
მისის ბრძოლით გავიმწარე მე სიცოცხლე ორის დღისა.
მამაა შენი ტკბილი და კაცთაგან გაუწყინარი,
სოფელი მბრძოლი ძმისა და შფოთზედან დაუძინარი,
ის იყო მონა ყოველზედ, ტკბილ სიტყვით ვარდ-
მომთინარი,
ობლად აღზრდილი, ღარიბად, და სახელ გაუჩინარი.

მე შემექნა დასახსნელად მისი ძმიდან წილი მისი,
კარგად იცი, შვილო ჩემო, ბოლო პირველ-დასაწყისი,
თუ რა ჭირნახული ვქენი, ან ვით ვიყავ მაზლის მქისი,
ამოგიგე ყოვლითერი, შესაცლიად გაქ არვისი.

ეზო, ბალი და სახლკარი, თითოდ შესაგუებელი
გაგიწყვე და არაზედ გაქვს გული დასაქმუნებელი,
დაგიმკვიდრე აზრი იგი, არ სჩან მოსატყუებელი,
ამად გმართებს არ ქმნა, შვილო, რამე ჩემი უნებელი.

რაც გიანდერძო, ამაზედ კარგად მომიგდე ყურია,
თუმცა მოიხმარ, მწყალობლად გეყოფა მთელი გურია,
ოდიშზედაც მაქვს, თვით იცი, მე ბევრი ნამსახურიც,
იმერეთს მყავს თავადები კეთილის მოქალღუღია.

აწ შენი სახლის კაცები დაგიტკბე, ძმა და ძმო-
ბილი,
ჩემი მოშურნე, მოძულე ყველაი შენდა ტკობილი,
შემწე საქმეში მრავალი თავადი, კეთილშობილი,
გურიის ეპისკოპოსი მწყალობლად, მამად ხმობილი.

ცოლი მოგვგარე, მრავალნი არიან მისი მქებელი,
ღვთის მოშიში და მორჩილი, მლოცველი, მსასოფ-
ბელი,
პატრონია და მოხელე, ცუდის რამ არ შემხებელი,
იყავ ამისთვის მარადის ღმერთზედ მარადის მდებელი.

აწი, შვილო, ჩემდა ნაცვლად დაგიტოვებ ამ
ანდერძსა,
იკითხე და მოუსმინე, ტკბილი შვილი ვითა დედას,
აქა კეთილი გეწვიოს, და ასცილდე იქ წაწყმედას,
ცუდს შემთხვევას ფათერაკით არ მოეგო ზედის-
ხედას.



პირველ ამას გიანდერძებ, მოელოდე რას ვი-
საგან,
მწწრაფლად ღმერთი მოიგონე აღდგომილმან ძილი-
საგან,
გულით იწყე პირჯვრის წერა, ითხოვდე ყოველს
ღვთისაგან,
ყოველად წმიდა ღვთის-მშობლისგან, სულის წმიდის
და ძისაგან.

სული, გული, სასოება მიანდევნი შენი ღმერთსა,
ნუ ეშიშვი ნურასფერსა, თუმცა მოიხალვებ ღმერთსა,
დაიხარხო ეს ანდერძი, დაადგები ამ აზრებსა,

მას უყურე თუ რა გიყოს, ღმერთსა შენთან თანამ-
დებსა.

შვილო, იყავ ყურმიგდებით წმიდა სახარების
თქმულზე:

ქრისტეს, ჩვენის მხსნელის ჯვარცმა მარად დაისახე
გულზე,
მისის სისხლით დახსნილია, შენ ნუ გასცვლი ნურას
სულზე,
სხვა ღვაწლი სდევ თავის რჩენას, ნუ იწიწვი შოვნად
ფულზე.

იცი, ფული ნაკურთხი აქვს, უსჯულო არს
ურიანი,

ეს იცოდე, არ ცხონდება კაცი დიდი ფულიანი,
არცა ყმედი, ავაზაკი, არცა მტრელი შურიანი.

ესე ყველაი აგცილდეს გულდაგულ პირჯვრის
წერითა,
ხატის და ჯვარის მისივე სახის სურვილით მშერთა,
მისის თაყვანის ცემით და დლითი-დღე, ჯვრის-ჯე-
რითა,

მით მტერმან ვერ მოგიხერხოს შენ ვნება ვერის-ვე-
რითა.

ჰე, შვილო, პირველ მცნებაში გვიბრძანებს
ღმერთი ამასა:
ღმერთი გვიყვარდეს, ვგონებდეთ, გვახსოვდეს ყოველ
წამასა,
პირველად ღმერთი აღიდე, რა ხელსა ყოფდეს ჭამასა,
არას მის უღიდებელად არ ასწონდე არცა ღრამსა.

მცნებას ღვთისას ემოარჩილე, იცი, იგი ბრძენს
უქია,

ტვირთი მისი და უღელი ტკბილია და მსუბუქია;
ვის უყვია ესე სრულად, ნეტარ მას, ვის დაუქია,

ეს გიკვირდეს, თუ ვისაც რამ ამ სოფლისთვის წა-
უგია.

შენ, შვილო, ეს დაიხარე, ეცადე ქრისტეს
წამსა,
მწყურვალეს წყალი მიუპყარ, მშიერს საჭმელი აჭამო,
შიშველსა ყური მიუგდო, პყრობილს ნუგეში ალამო,
იყავ ტკბილი და მოწყალე, ღვთისა და კაცის საამო.
ქრისტემან კაცთმოყვარემან ყოველად წმიდა
სისხლი მისი
ჭამად მოგვცა, და სასმელად სისხლი მისი, ვით სასმისი.
ჩვენგან ითხოვს მცირე პურსა მშიერია მონა მისი,
ჩვენ გაუძღვით და არ ვაქმევთ მშიერს ვისმეს, და
ვართ მქისი.

შენ, შვილო, ავი ისმინე, ნუ იქნები ამის მქნელი,
შენ დასთმე და სხვას აჭამე, პური თუ ან რამ საჭმელი,
რადგან ითხოვს ასე მცირეს ჩვენგან, ჩვენი ქრისტე
მხსნელი,

მით ნათლითა შეიმოსო, ლ აგცილდეს ტანჯვა ბნელი.
იცი, ჩვენთვის ღმერთმან რა ქმნა, წინასწარ რა
განიგულა,
ღამყარა ზღვა, ჰაერი, ხმელეთი ლ სხვა რაცა თქმულა,
მზე და მთვარე თვისდა სახედ და თვით თავი აიძულა,
ვით იყო სოფლადა მსველეი, ანუ ჩვენთვის სად
ჯვარს ცმულა.

ჩვენ მისდა სახედ ხელქმნილი, მისი მისივე მთხო-
ველი,

აღმკულსა მისი სახითვე შთაგვებრა სული ცხოველი,
ზღვის და ხმელეთის დიდება ჩვენ სარჩოდ მოგვცა
ყოველი,
ვისგანაც სულით და ხორციით მე განათლებას მო-
ველი.

ეს გიკვირდეს, ყოველი კაცი რად არ არის შე-
გნებული,

ვინ არს მისი, ან მისივე ბრძანებით მირონცხებული,
ბერი, მღვდელი, მონაზონი, მცირედი ლ დიდებული,
ამა სოფლის საწუთროდან ქებული, თუ გინებული.

სად არს ჩვენი წინაპარი, სად იქნება მომავალი,
სად ვიქნებით საუკუნოდ, ან სიდან ვართ მომავალი,
ან ვისგან გვაქვს საზრდო, სარჩო, მოსაწვევი, მოსა-
ვალი,
რათ არა ვართ, თუ რაზედაც განმზადების გვაქვს
რა ვალი.

წირვა-ლოცვის კრძალვით სმენით, გაცემით და
მოწყალებით,
ქვრივის, ობლის შეწყნარებით, აგრევე გლახაკთ მო-
ყვარებით,

ნაქნართ — ნათქვამთ მონანებით, ვიქნეთ დიდის მო-
 ღვაწებით,
 მოვიპოვნოთ სული ამით, ვართ ამისა მოვალეებით.
 მე ვიყავ, შვილო, ხომ იცი, ამ წუთისოფლის
 მცნობელი,
 მაგრამ მე შენის სიცილდვით არ დავრჩი აზრის მწყობ-
 რელი,
 სახლთათვის ვქირანახლობდი, არ ვიყავ თავის მკო-
 ბელი,
 ვიყავ მტერ-მოყვრის ცნობილი, საქმის სამართლად
 ბჰობელი.
 ვიდრემდის შთავარდებოდი სრულსა მესიცი-
 რებასა,
 გავსკვრეტდი და ავწონიდი ამა სოფლის ქრელობასა,
 ვეძიებდი სწავლას სრულსა სამღვთოს, სოფლის ხე-
 ლობასა,
 ამას ვთხოვდი ქრისტე ღმერთსა, დედას ღვთისას დე-
 დოფალსა,
 ვყოფილიყავ ღვთის მონებით, და მსახური უფ-
 რო სულის,
 აღმედო და დამემარხა თქმული ლუკა მოციქულის,
 აღწერილი თითით მისით, სახარება ღვთისგან თქმუ-
 ლის,
 მისივე მაქვს წინამძღვრობა, მანვე უწყის, რაცა მსუ-
 რის.
 აწ, შვილო, ამას გაუწყებ, ნუ ხარ ამ სოფლის ხლე-
 ბული,
 მსასოებელი, მსახური და გულით მითვისებული;
 მოიღე აზრი, რასა იქს ბოლო და პირველწყებული,
 საღ ნახე დარჩა მდიდარი სახელოვანი, ქებული?
 მდიდარს, ღარიბს, მკირედს და დიდს მოსწყ-
 ყვეტს, ყველას გაასწორებს,
 შეცვლის ჰაერს, ცას და მიწას, გახდის მინდვრად
 მთას და გორებს,
 ჩვენის ცოდვით განამრავლებს, უსჯულოებს გაგვის-
 წორებს,
 მოვა რისხვით, აღმხოცველად, დასქრის თავებს, დაჰ-
 ყრის მძორებს.
 სხვა განრჩევა, სხვა განკითხვა ენიდან არ და-
 ითვლება,
 ამ საწუთროს მსახურზედა რა იქნება, რა ითქმება?...
 იფიქრე, თუ რას შეიცავს, იქ რომ წარდგეს შენი
 ქება,
 გექნეს ღვთით განკითხვის დღეს ქრისტეს მარჯვნივ
 თანახლება

ამისათვის ნუ დაზოგავ ნურას სულის სამსა-
 ხურზე
 იყავ კრძალვით აღსრულების წმიდის სახარების
 თქმულზე,
 სახარების თქმა ისმინე, დაიდევ, გქონდეს გულზე,
 განისვენებ საუკუნოდ ნათლად მის სამების სრულზე.
 აწი შვილო, ამ სოფელსაც ამ სახითვე შეექვეცი,
 ნუ იქნები გარეგანი ოჯახზედა, ვითა მხეცი,
 ცოდვა, მადლი, კარგი, ავი არის საქმე მრავალკეცი,
 კარგი ჰქენი, ავს ნუ იზამ, საუნჯეში დასაკეცი.
 შენს ცოლს გარდა სხვა ქალებზე გულის თქმა
 ნუ გექნება,
 შენი გვაში ტაძარია, და პირველი ღვთისა მცნება,
 აგი რომ შენ შეაბილწო, იფიქრე, თუ რა იქნება,
 ის არავინ მოგატყუოს, არ წაწყდე და გექნეს შეგება.
 გულისთქმისთვის გულს მატლი სჭამს, ქმნისთვის
 ცეცხლი მოედება,
 საუკუნო სატანჯველი, ამგვარების განმზადება
 ამგვარ კაცზე არის მუდამ, ახლავს ეშმაკების კრება,
 შეგხვდეს ოდეს, მსწრაფლ დაეხსენ, ალიკვეთე, არ
 ქნა წყება.
 ყოველს შენ ცუდს რამ შემთხვევას, ნათქვამს,
 ანუ ნაქნარს ხელად,
 შეუღეძი, მოინანე, იქ არ გაგყვეს საეჭველად,
 თუმც მოიკვეთ, მონანებას არ გვიბრძანებს ქრისტე
 ძნელათ,
 მისთვის, რომ თვით დაისაჯა, ცოდვილისა დასახს-
 ნელათ.
 პირველ თავი გაიწმინდე, შვილო, წმიდა აღსა-
 რებით,
 არა სახით დაიუჯო, მკირებედ რამ დაფარებით,
 მღვდელს ახლავხარ საიდუმლოდ, ქრისტეს მარჯვ-
 ნით, თანახლებით,
 იტყვი მართალს, გაგწმედს ქრისტე, და იქნები გა-
 ნათლებით.
 მოდი მერმეთ და მოიღე, შვილო, წმიდა ზიარება,
 ქრისტე მარჯვნივ დაგიყენებს, ხლება შენი იამება,
 ხედავ, ამ სოფლის დიდებას, ვარდი ხმება, ია ქნება,
 იცოდე, რომ დღენი ჩვენი ასე მალე წაირყენება.
 მტერი მოყვრულად გიყვარდეს, მაზედ ღმერთია
 ძლიერი,
 გეწყალოდეს, რაც ძაღვედვას, სწუხდეს თუ ვინ
 სულიერი,
 მტირე შენი მეზობელი, მშვიერი და წყურიელი,
 იყავმშვიდობის მყოფელი, ქრისტიანი, სჯულიერი.



ულვთა-უწყალო კაცისა დაუხედე საბოლოოს,
 არ ძალუძს ორსავე სოფელში მან ან ერთიკ დაი-
 კავოს,
 ან სრულებით ამოწყდება, ან იქს რასმეს საიგაოს,
 ასე რომ მის მომავალზედ მტერმან მისმან იწინაოს.
 მარხვას თუ ქამ, გიქამია გინდა ცოტა, გინდა დიდი,
 კაცის კვლავი გულში თუ გაქვს, სულ ერთია, გინდ
 თოფს კვრიდი,
 შენ არ მოჰკლა, სხვა გზით უქნა თვით უჩინო საქმე
 ფლიდი,
 ეს ამას ჰგავს, გაგიგდია უმზერ გზაზე ვითა ხიდი.

მუნით მისმან მავნებელმან ქნან მრავალგან მარ-
 ხულობა,
 ამგვარ მტრელი კაცის საქმე გაქ ხომ ცუდათ ნახუ-
 ლობა,
 მოიკვეთე ამგვარები, მოთმენით ჰქმენ დიდსულობა,
 ცუდს თუ აღიკრეფ, აღარ იქ, არის წმინდა მარ-
 ხულობა.

ერთპირი იყავ, ერთსახე იქნები ორსავე სოფელსა,
 სიმართლის თქმასა დაადეგ, აქებენ ბრძენნი რომელსა,
 და აუგებენ ორპირსა, ხასიათ დაუდგრომელსა,
 ღმერთთან სავანე არა აქვს რისხოვანსა და მწყრო-
 მელსა,

პატივისცემს პატივი ეც, ავს და კარგს ნუ გა-
 ასწორებ,
 ნურც უბრალოდ დასჯი ყმასა, ნურც მართლს მტყუე-
 ნად გამჰორებ,
 რაც პირში არ განარისხო, პირს უკან ნუ გააგონებ,
 სხვისი მონა შენ ნუ გინდა, შენსას სხვას ნუ დაამონებ.

სამსახური შენის ყმის შენ განუარჩევლად მოიზიდე,
 აგრევე შენს ყმას ნუგეშობდე; ყოვლის მხრითა მო-
 უვლიდე,
 თვალი ყმისკენ დაიკავე, რაზომსაცა გზასა ვლიდე,
 შენის ყმისთვის თავი ნუ გშურს, ვისაც რათამც წაეკიდე.
 სიცივე-შიმშილი შეუტყვე, და ტან-ფეხზე გყავ-
 დეს წმინდად,
 რისხოვანი წყრომა ნუ გშურს, თუ შეუტყო რამე
 ფლიდად,
 ნუცა ხშირად გაუწყრები, ზომით იყავ მძიმე, დიდად,
 შენი ყმა შენ ასე გყავდეს, მსგავსად წყალზე მაგარ
 ხიდად.

დასასრული შემდეგში.

**იმაერთის მაისსკოლის გაბრძნის-ცხოვ-
 რებაიდან.**

ხშირად ვკითხულობთ ხოლმე ჟურნალ-გა-
 სეთებში სხვა და სხვა მოგონებათ გარდაცვა-
 ლებული ძღვედე-მთავრების ცხოვრებიდან. ამ
 მოგონებათაგან ცხადათა სჩანს, რომ ზოგი-
 ერთი ძღვედე-მთავრების ცხოვრება არც ისე
 ბედნიერი უოფილა, როგორც ხალხს ჰგონია.
 ხშირად, როგორც ლაზარაკი ჩამოვარდება მას-
 ზე, თუ ვინ უფრო კარგად და ბედნიერად
 ცხოვრებს ამ ქვეყანაზე, იტყვიან: „ძღვედეები
 და ძღვედე-მთავრებიო“. მაგრამ როცა ნამ-
 დვილად გამოვიკვლიეთ ამ უკანასკნელთა ცხოვ-
 რებას, ვწმუნდებით, რომ ძღვედეებს და ძღვე-
 დე-მთავრებს ამ ქვეყანაზე სხვებზე თუ მეტი
 არა ნაკლები უსიამოვნება არ ხვდებათ.


ვინც კარგად დააკვირდება ზ გამოიკვლიეს
 განსვენებული უოვლად სამღვედელო კაბრიე-
 ლის ცხოვრებას, იგი დარწმუნდება, რომ გან-
 სვენებულის ცხოვრება იყო ნიადაგ დაუსვენა-
 რი, უსიამოვნო, მწუხარება და შრომა. მან
 არ იცოდა, რა იყო თავის მოფერება. როცა
 განსვენებული რაიმე საქმეს მიჰყოფდა ხელს,
 მას ვერავითარი დამაბრკოლებელი მიზეზი ვერ
 შეაჩერებდა, რომ თავისი სურვილი არ აღეს-
 რულებია. მრავალჯერ გადარჩენილა იგი
 სიკვდილისაგან, მაგრამ ამისთანა შემთხვევები
 მას არ აღუნიშნავს. ჩვენ აქ მოვიყვანთ მხო-
 ლოდ ორ შემთხვევას.

ერთხელ სოფლის არკვეთის მრევლმა
 სთხოვა მათ მეუფებას ახლად აშენებული ეკ-
 კლესიის კურთხევა. მათ მეუფებას ეკკლესიის
 კურთხევა ძლიერ სასიამოვნოდ მიაჩნდა და

ამიტომ იშვიათად მიანდობდა სხვა სასულიერო პირს ეკკლესიის კურთხევას. მათმა შეუფებამ გამოუცხადა მთხოვნელთ, რომ იგი თბილისში მიდის საქმისა გამო და ჩამოვლის დროს უვირილის რკინის გზის სადგურზე დამხედით და იქიდან წამოვალ და გიკურთხებთ ტაძარსო. მრევლმა მადლობა შესწირა. როცა მათი მეუფება თბილისიდან დაბრუნდა და უვირილის რკინის გზის სადგურზე ჩამობრძანდა, მკითხა ამ სტრუქონების დამწერს: არგვეთიდან ხომ არავინ მიცდის აქ? აქ განსჯავთ ბლადოჩინი და სასოგადოების გამოგზავნილნი კაცები ცხენებით, მოვასხენე მათ მეუფებას. ძლიერ კარგი, თქვა მათმა მეუფებამ, მე ჩაეს დავლევ ბუფეტში და ახლავე წავალ. მათ მეუფებას მოვასხენე: აგერ რვა საათი თავდება, ძლიერ ბნელი ღამეა, ჩემსა მობრძანდით და ღამე გაათიეთ, ხვალ დილაზე წაბრძანდებით და ერთ საათზე უფრო ადრე მიბრძანდებით არგვეთაში. არა, არა, მირჩევნია ეკკლესიის ახლო დავდგე, ღამეა, მაგრამ არა მიშავს რა, კარგი გზაა და წინამძღოლებიც ბევრნი არიან, ბრძანა მათმა მეუფებამ. ძალე შესხდენ ეველანი ცხენებზე და წავიდენ. უვირილის სადგურიდან მარჯვნივ ჩაუარეს რკინის გზის ლიანდაგს დასავლეთისკენ და დუქნების გამოთავეს ბუტკასთან რკინის გზაზე უნდა გადაეკლოთ და გსატკეცილს დადგომოდენ. ამ დროს რკინის გზის მატარებელი გამოვიდა უვირილის სადგურიდან. ეოვლად სამღვდელოს რამდენიმე მსლებელნი გადავიდენ რკინის ლიანდაგზე, მათი მეუფება კი შეჩერდა და უცდის მატარებლის გავლას, ბნელს ღამეში რკინის გზის ლიანდაგი არა სჩანს და წინ მიძავალ კაცებს ჰგონიათ, რომ მათი მეუფება

კადავიდა რკინის გზის ლიანდაგზე. ე-დ სამღვდელო კი თურმე ისე ახლოს დამდგარა რკინის ლიანდაგთან, რომ მატარებელი დაეტაკა მათი მეუფების ცხენის უკანა ერთ ფეხს და ცხენი წაქცია. ცხენი მაძინვე წამოვარდა ფეხზე, მაგრამ მათი მეუფება ჩამოვარდა ცხენიდან და, რადგან უსანგიდან ერთი ფეხი დროზე ვეღარ გამოიღო, კარგა მანძილზე გაათრია ცხენმა. ცხენს იარაღი მოძვრა ზურგზე და მუცლისკენ ამოეკრა. ამ დროს მათმა მეუფებამ ფეხიც გაინთავისუფლა უსანგისაგან. მსლებლებმა შენიშნეს მათი მეუფების ცხენი და გააჩერეს. ეველას თავზარი დაეცა, ეკონათ, რომ უთუოდ მატარებელმა გაიტანა მღვდელ-მოთავარიო. მაგრამ მათმა მეუფებამ ხმა მისცა: „არა მიშავსო“. ბნელეში თურმე რკინის ლიანდაგი ვერ შეენიშნა და ახლოს დამდგარეო. უცბად მატარებელმა ჩამომიქროლა, ბრძანა მათმა მეუფებამ, ცხენი შეფრთხა, თავში მოვსწიე, მან უკან დაახია და ამ დროს, არ ვიცი მატარებელი იყო, თუ ვაკონის კიბე, ცხენს დაეჯახა, წამიქცია ცხენიც და მეც გადმომაგდო. ფეხი დამჩრა აბუანდამი და გამითრია ცხენმა, მაგრამ, მადლობა ღმერთს, ძალე გამოვიღე ფეხი აბუანდიდან. ნახეს, რომ ცალ ფეხზე მათ მეუფებას კალოში აღარ ჰქონდა. აანთეს სანთელი და დაიწიეს კალოძის ქებნა. კალოში ვეღარ ნახეს. ბოლოს დაანებეს თავი კალოძის ქებნას და მათ მეუფებას ცხენი მოართვეს. მათმა მეუფებამ მოჰკიდა ხელი მარჯვენა აბუანდას ფეხის ჩასადგემლად და კალოში აბუანდამი იყო კარჩენილი. აგერ არ ეოფილა კალოში აბუანდამი? ტუილად არ ვეძებდით, მხიარულად წამოიძახა მათმა მეუფებამ და განავრძეს მოგზაურობა.

მე. ამდენი დამბრძანებისა მტელს ეფუძრება



მ ი ბ რ ძ ა ნ ე მ ბ ა ზ ი ბ ლ ი რ ი თ ე ნ ა

სოფელ არგვეთაში ღამის გასათევად მათი მეუფება ერთ აზნაურძვილისას დაბინავდა და შეეძახა წიწვას მეორე დღისათვის. მათი მეუფება ამ შეძთხვევის გამო ხშირად ბრძანებდა სოლმე: ღმერთმან ვარდამარჩინა სიკვდილისაგანო.

დეკ. დ. ღამბაშიძე.

(გაგრძელება იქნება).

კ ა ბ რ ი ე ლ ე პ ი ს კ ა ზ ო ს ი ს ს უ რ ა თ ზ ე .

ხანგრძლივ მბრწყინავი წმინდა სხივით
დაშრტა ღამბაში,
ქართველთ დიდება, სიამაყე,
მწყემსთა მთავარი.
ზეგარდმო ნიჭით აღჭურვილი
კაცი მლთიანი,
გონებით ვრცელი, ჭკუით ბრძენი
ნეტარ სვიანი,
უსწორ-უდარო ქველ მომქმედი,
მწყემსი ქებული,
ივერთ ნუგეშად განმანათლ
მღვთისგან რჩეული.
საუნჯე ერის ზნეობრივად
განახლებისა,
ცხოველი შკოლა ქრისტეს წმინდა
სწავლა, მცნებისა.
დადუმდა ენა მღვთიურ სიბრძნის
მლაღადებელი,
დაუქმდა ხელი დაცემულთა
აღმადგენელი.
განქრა ნათელი თვით მღვთის სიბრძნით,
აღკამებელი,
დაბნელდა მხარე მისის შუქით
განათებული.
მოჰკვდა მოძღვარი ჩვენი სულის
აღმა მფრენელი,
დაბნდა ვარსკვლავი, ქრისტეს სხივის
ჩვენდა მფენელი...

თ. ქიხოსრო გელოვანი.

მთავარ-ეპისკოპოსის საქართ. ექს. ვლადიმირისა ახალ-სენაკში და ფოთში 12 და 13 ნოემბერს.

11 ნოემბერს მთელს ფოთში გავრცელდა ხმა, რომ საქართველოს ექსარხოსი მობრძანდება ფოთში, რომ თავის თვალთ დაათვალიეროს ის ადგილი, რომელსაც ქალაქი აძლევს სასულიერო მთავრობას სამეგრელოს სასულიერო ოთხ-კლასიანი სასწავლებლისათვის სახლის ასაშენებლად, თუ ხსენებული სასწავლებელი სენაკიდან ფოთში იქნება გადმოტანილი. საღამოს, მატარებლის მოსვლის დროს, მთელი სადგური სავსე იყო ხალხით. ქალაქის ყველა ხმონები და მოსამსახურე პირნი სადგურზე შეიკრიბნენ. მაგრამ რამდენიმე წამი უკლდა მატარებლის მოსვლას, რომ ჭალადიდიდან ტელეფონით ცნობა მოვიდა, რომ მათი მეუფება ახალსენაკში დარჩაო. როცა მატარებელი მოვიდა, შევიტყვეთ, რომ ექსარხოსი მობრძანდება ფოთში ან შუაღლისას და ან საღამოთი. მაგრამ ეს ცნობა ტყუილი გამოდგა. მათი მეუფება მობრძანდა ფოთში 12 ნოემბერს, დილის 7³/₄ საათზე. ვინაიდან მათი მეუფება მოულოდნელად მობრძანდა, ამიტომ სადგურზე მათ მეუფებას მიეგებნენ მარტო პოლიციის უფროსი, ქალაქის მოურავი, მომრიგებელი მსაჯული, კათედრის ტაძრის დეკანოზი და სხვანი. ადგილობრივი მღვდელ-მთავარი გრიგორი, რომელიც ახალ-სენაკში თავის ნათესავებთან იყო, თან მოჰყვა ექსარხოსს. მათი მეუფება სადგურიდან პირდაპირ ყოველად სამღვდელო გურია-სამეგრელოს ეპისკოპოსის სახლში წაბრძანდა. აქვე შეიკრიბნენ ქალაქის წარმომადგენელნი, რომელთაც მოვლათა-რაკა ექსარხოსი, თუ რა პირობით შეიძლება, რომ ხსენებული სასწავლებელი სენაკიდან ფოთში იქნეს გადმოტანილი. მათ მეუფებას გადაწყვეტით არაფერი არ უბრძანებია, მხოლოდ ყოველად სამღვდელოს გრიგორის უბრძანა თუ რა ცნობები უნდა შეკრიბოს მან, რომ ამ ცნობების წყალობით შესაფერი

მოხსენება გაიგზავნოს უწმ. სინოდში. აგერ 11 წელიწადია, ხსენებული სასწავლებლისათვის ირჩევენ ადგილს, და ეს კითხვა დღესაც სამუდამოდ გადაწყვეტილი არ არის. ზოგს ფოთში უნდა, ზოგს ახალსენაკში და ზოგს მარტვილში. დღეს ფოთი იძლევა ადგილს და სხვა შემწეობასაც პირდება სასულიერო მთავრობას, თუ ხსენებული სასწავლებელი ფოთში იქნება გადმოტანილი. ამისათვის მისმა მაღალ ყოვლად უსამღვდელოესობამ, საქართველოს ექსარხოსმა ვლადიმირმა ინება ადგილობით დაეთვარიელება როგორც ფოთი და ახალ-სენაკი, ისე ის ადგილები, რომელსაც სასულიერო მთავრობას პირდებიან სასწავლებლისათვის. ფოთში მათმა მეუფებამ დაათვალიერა ხუთი ადგილი. როცა მათი მეუფება რკინის გზის სადგურზე დაბრუნდა, აქ მათ წარუდგა ახალ-სენაკიდან გამოგზავნილი დეპუტაცია, რომელმაც განუმარტა მათ მეუფებას, რომ უფრო სასარგებლო იქნება სასწავლებლის დატოვება ახალ-სენაკშივე. ამ დეპუტაციასაც ის უბრძანა ექსარხოსმა, რაც ფოთელებს. ყველა წინადადება და საბუთები, ბრძანა მათმა მეუფებამ, მოხსენდება სინოდს და მისი საქმეა, რომელ ადგილსაც ამოარჩევს.

რადგან ახალ-სენაკში სასწავლებლის შენობა დაიწვა და სწავლა შეჩერდა, ამიტომ ფოთის ქალაქის თვით-მართველობამ განუცხადა საქართველოს ექსარხოს, რომ ქალაქი ახლავე მისცემს სასწავლებელს შესაფერს შენობას უფასოდ, სანამ სასწავლებლისათვის საკუთარი შენობა არ იქმნება აშენებულიო. სენაკელებიც არ ჩამორჩენ უკან ფოთელებს. იმათაც წარუდგინეს მათ მეუფებას სასწავლებლის დროებით გასამართავად თ. მხეიძის შენობა, რომელ შენობაშიაც უკვე დაიწყო სწავლა. (ახალი მიმოხილვა)



ახალი აბეები და შენიშვნები.

ჩვენ შევიტყუეთ ნამღვილი წყაროებიდან, რომ ყოვლად სამღვდელოს ალავერდის ეპისკოპოსს ბესარიონს ლაენიშნა იმერეთის ეპისკოპოსის ჯამაგირი, შტატისამებრ, 3000 მან. დღიდგან ყოვლად სამღვდელოს გაბრიელის გარდაცვალებისა.

* *

11 ნოემბერს სოფ. ალისუბანში გაიხსნა მეორე კლასიანი სასწავლებელი. სკოლა გახსნა იმერეთის ეპარქიის მეთვალყურემ მღვ. მელიტონ კელენჯერიძემ შორაპნის სასწ. რჩევის განყოფილების წევრის ბლად. ივლიანე აბესაძის თანადასწრებით.



საკვირველთ-მომქმედი ილარიონ ქართველი. (ხსენება მისი 19 ნოემბერს).

ცხოვრება ღირსისა ილარიონისა ჰირველად აღწერილ იყო ბერძნის იმპერატორის ბრძანებით მისივე მოწაფის ვასილ მაკედონელისაგან, რომელიც ცხოვრებდა მეცხრე საუკუნეში. ბოლოს მეფე დავით აღმაშენებელის ბრძანებით იყო თარგმნილი ქართულს ენაზედ თეოფილე მონაზონის მიერ და დაბეჭდილია საქართველოს სამოთხეშია.

სწავლა და მეცნიერება ქრისტიანობაში ნაპირივ სარწმუნოებასა და კეთილ- ზნობაზე.

სიჯყვა,

ოცდაათხუთასა კვირიაკასა ზედა.

განსვენებულის იმერეთის ეპისკოპოსის გაბრიელისა

იგავი მოწყალე სამარტელსა ზედა (ლუკა 10, 25—37).

დღეს წაკითხული სახარება, ძმანო მართლ-მადიდებელნო ქრისტიანენო, გვიქადაგებს და შეგვაგონებს ჩვენ ქრისტიანულსა სიყვარულსა და მოწყალებას. ვგონებ, რომ წინაშე მართლ-მადიდებელთა ქრისტიანეთა არ არის საჭირო ვრცლად უბნობა მასზედა, თუ რა დიდი სათნოება არის მოწყალება. ეს იცის ყოველმა ქრისტიანე კაცმა, და არა თუ ქრისტიანეთა, არამედ სხვათა, უცხო სჯულის კაცთა, მაგალითებრ, მაჰმადიანთა, ურიათა დიდ სათნოებად მიაჩნიათ მოწყალება, და დიახაც სცდილობენ აღასრულონ იგი. გარნა ქრისტიანული მოწყალება დიდად ხანსხვავებულია მათი მოწყალებისაგან. თვით დღეს წაკითხული იგავი სახარებისაგან არა იმაზედ ლაპარაკობს, რომ მოწყალება დიდი სათნოება არისო, — ეს ყოველმა კაცმა იცის, როგორც ვსთქვით, — არამედ იმას, თუ როგორ უნდა აღასრულოს ქრისტიანემ ეს სათნოება, რომ იგი ნამდვილ ქრისტიანულ მოქმედებად შეიქმნას. როგორია ქრისტიანული მოწყალება? როგორ უნდა აღსრულდეს იგი? ამაზედ კი ფრიად საჭიროა ლაპარაკი წინაშე ქრისტიანეთა, ვინაიდან არა ყოველნი ქრისტიანენი ქრისტიანულად აღსრულებენ მოწყალებას.

რასა შინა მდგომარეობს ქრისტიანული მოწყალება, და საიდგან წარმოდგება იგი? ქრისტიანული მოწყალება არის ბუნებითი გრძნობა კეთილი კაცის გულისა, გარნა უმეტესად განღვიძებული და გაღო-

ნიერებული სარწმუნოებითა. თუ კაცს გული არა აქვს გაფუჭებული და ზნეობა დაცემული, როდესაც დაინახავს შეწუხებულს და უბედურს კაცს, თვითონაც უნებლივად შესწუხდება, მისი სული თანაუგრძნობს მოყვასისა შეწუხებას და უნებლივად მოინდომებს რითიმე შეუმსუბუქოს მას მწუხარება.

მოწყალე იგი სამარტელი თავის საქმისთვის მგზავრად მიდიოდა ერთი უდაბური გზით, და როდესაც დაინახა დაჭრილი და დაგდებული გზის პირზედ ავაზაკთაგან კაცი, უნებლივად შესწუხდა, გაჩერდა და დაიწყო შემწეობა მისი.

ვის უნდა უყოს კაცმა მოწყალება? ყოველს შეწუხებულს და გაჭირვებულს კაცს, ვინც გინდა იყოს იგი, თუ გინდ მახლობელი და მონათესავე კაცი, თუ გინდ უცხო, უცნობელი და სხვა სჯულის კაცი, ურია, გინდა თათარი. როდენადაც შეგიძლია და ვისდამიც შეგიძლია, ჰყავ მოწყალება. ერთი მხოლოდ გარჩიე: ვინც უფრო გაჭირვებულია, წინა პირველად მას შეეწიე. ასე არ მოიქცა მოწყალე იგი სამარტელი? იმან არ მიჰხედა მას, რომ დაჭრილი იგი კაცი იყო ურიათაგანი, რომელნი ემტერებოდენ სამარტელთა. მან მხოლოდ ის იფიქრა, რომ კაცი, ადამიანი, გაჭირვებულია და საჭიროა მისი შეწევა.

როგორ რა სახით უნდა აღასრულოს კაცმა მოწყალება ქრისტიანული? ამა კითხვაზე უფრო საჭირო არის გამოკვლევა. მრავალნი არიან ქრისტიანენი, რომელთაც უყვარსთ და კიდევ ჰყოფენ მოწყალებას, გარნა, სამწუხაროდ, არა ქრისტიანულად, და ამით ამცირებენ ფასსა მოწყალებისასა. მოწყალება უნდა აღასრულოს კაცმა, პირველად, კეთილი და მხიარული გულით და მისწრაფებით, ვითარცა ჰქმნა მოწყალე სამარტელმა: როგორც დაინახა მან დაჭრილი მდებარე კაცი, მაშინვე ჩამოხდა ცხენიდგან, მივიდა მასთან. შეუხვია თავისი ხელით წყლულებანი მისნი, დაასხა ზეთი და ღვინო, შესვა თავის ცხენზედ, წაუძღვა წინ და მიიყვანა სასტუმრო სახლში და მიიბარა აქ მოსაველელად, სასყიდლის მიცემითა.

მეორედ უდიდესი და უმთავრესი საქმის არის, რომ მოწყალეობა ღნდა აღასრულო უანგაროდ, განღვიძებულმა მხოლოდ ერთითა კეთილის გულის გრნობითა, მოყვასის სიყვარულითა და უმეტესად სარწმუნოებითა. არიან მრავალნი ქრისტიანეთა შორის, რომელნი აღასრულებენ მდიდრად და უხვად მოწყალეობასა, ასობით და ათასობით მოახმარებენ ღარიბთა კაცთა; გარნა ამასთანავე უყვარსთ, რომ ქვეყანამ შეიტყოს, ბუკი დაკრან მათ მოქმედებაზედ, გაზეთებში დაბეჭდონ მათი მოღვაწეობა. ვგონებ, რომ ამით მოწყალეობა მათი ჰკარგავს ქრისტიანულს ხასიათსა და თვისებას. არა ესრედ მოიქცა მოწყალე იგი სამარტელი! იგი არც ერთს ჯილდოს არ მოელოდა, მის მოქმედებას არავინ უყურებდა, ვერც ვინმე შეიტყობდა, რომ ქებისათვის და თავის მოწონებით ექმნას მას მოწყალეობა. იქმნება შენ გაგიკვირდეს, ძმაო, ესეთი აზრი, მაგრამ მაინც გეტყვი: როდესაც მოწყალეობას რასმეს იქმ და კეთილს საქმეს, ნურც ის აზრი გაქვს მაშინ, რომ ღმერთი გარდამიხდისო, მაგიერს მომაგებსო. მართალია, ღმერთი ყოველ კაცს გარდუხდის მისი კეთილი საქმისათვის; საღმრთო წერილი პირდაპირ იტყვის, რომ, ვინც გლახაკს მოწყალეობას მისცემს, ის ღმერთს ავასხებსო; მაცხოვარი გვეტყვის, რომ ვინც ერთ სტაქანს გრილ წყალს დააღვინებს მწყურვალე კაცს, არ დაჰკარგავს მისს სასყიდელს. გარნა. თუ შენ მოწყალეობას აღასრულებ მარტო იმ აზრით, რომ ღმერთი მაგიერს მომცემსო, და არა ღვთის და მოყვასის სიყვარულით, მაშინ შენი მოქმედება უფრო დაემსგავსება ვაჭრობას; იგი დაჰკარგავს ნამდვილ ქრისტიანულ ხასიათს, და მიიღებს სახეს და ხასიათს ფრანგულს, ანუ კათოლიკებისას, და ერთის მხრით მაჰმადიანთა, რომელნიც კეთილ საქმეებს ისე ანგარიშობენ, როგორც ვაჭარი ფულის თავნს და სარგებელს.

გარნა, მივუბრუნდეთ კიდევ მშვენიერსა მოქმედებასა სამარტელისასა, მისი მოწყალეობა არა თუ უანგარო იყო, არამედ მოითხოვდა თავის გამომეტეხასაც. ადვილი იგი, სადაცა დაჰხვდა მას დაჭრილი კაცი, იყო საშინელი, და მრავალნი იღუპებოდნენ

იქ ავაზაკებისაგან. წინედ მის მოსვლისა, იქ გაიარეს მღვდელმა და ლევიტელმა, გარნა, შიშისაგან, ვერ გაჰხედეს იქ გაჩერება და შემწეობის მიცემა დაჭრილისათვის. სამარტელმა არ მიჰხედა ამას ყოველსა, არ იფიქრა მან, რომ ავაზაკები, რომელთაც დასჭრეს კაცი იგი, მახლობლად იქმნებოდნენ და მოჰკლავდნენ მას, არამედ გამოიმეტა თავი და მისცა შემწეობა უბედურსა მას დაჭრილსა. ესრეთი თავის გამომეტება მოწყალეობის აღსრულებაზე, არის ნამდვილი ქრისტიანული მოწყალეობა, უმაღლესი სათნოება. როდესაც კაცი, არა თუ თავისი ქონების და ნაყოფისაგან ეწვევა გაჭირვებულს კაცს, არამედ თვით სიცოცხლესაც აღარ ჰზოგავს მოყვასის გულისათვის, იგი აღსრულებს ჭეშმარიტად მცნებასა ქრისტიანულისა სიყვარულისასა; იგი ჰზადავს თვით მაცხოვარსა, რომელმან თავი თავისი შესწირა ღმერთსა სახსრად ჩვენდა. ამინ.



მღვდ.-მოწ. აბიბოს ნეკრესის ეპისკოპოსი (ხსენება მისი 29 ნოემბერს).

შეწირულებანი.

ჩვენ მივიღეთ ჟურნალში დასაბეჭდათ შემდეგი წერილები ეკლესიის სასარგებლოდ შეწირულებათა გამოსაცხადებლად:

I

«მ. რ! უმორჩილესად გთხოვთ თქვენის პატივცემულის ჟურნალის „მწყემსის“ საშუალებით გულითადი მადლობა გამოუცხადოთ როგორც ჩემი მხრით ეგრეთვე ჩემი მრევლის მხრითაც სოფელს ჩუნემს მცხოვრების თავადის ბესარიონ ბუჭუას ძის ლორთქიფანიძის მეუღლას კნენა ნინას, რომელმაც შემოწირა ჩემდამო რწმუნებულს ცხუნკურის წმიდის გიორგის ეკლესიას ერთი ხელი ყოველი სამღვდელო შესამოსელი, ხუთი ვერცხლის ღილით, ღირებული ოც მანეთად, ერთი რწყვილი დაფარნა, ღირებული ოთხ მანეთად, ერთი ტრაპეზედ დასადგმელი სასანთლე, ღირებული ორ მანეთად, სახარებისათვის ლენტი აბრეშუმისა ოქრომკედით ზედ წარწერილებითა თავის მიცვალებულის მოსახსენებლად. ღმერთსა ვსთხოვ, რომ ამ პატივცემული პირის მიმბაძველი მრავალი აღმოჩენილიყოს!»

მღ. გიორგი ჯაში.

II

„მ რ! უმორჩილესად გთხოვთ თქვენი პატივცემული გაზეთ „მწყემსის“ საშუალებით უღრმესი მადლობა გამოუცხადოთ შემდეგ პირთ, რომლებმაც ჩემდამო რწმუნებულს ახალ შენის მაცხოვრის ეკლესიას შემოსწირეს შემდეგი ნივთები: 1 ფილიპე ბურჭულაძემ თაღხი შესამოსელი და გარდამოხსნა ძვირფასი მატერისა, ღირებული 80 მ. 2 მაქსიმე იესეს ძე ჩიგოგიძემ 12 საუფლო ხატი და ერთი წყვილი დაფარნა, ღირებული 30 მ. 3 ანუსი ცენტერამის გაგუას ასულმა სახარების მოსაქედი, ღირებული 12 მ. 4) ოქროპირ ივანეს ძე ცენტერაძემ პატარა კანდელი, ღირებული 5 მ. 5) აზ. ივანე მალაქიას ძე შარაშიძის მეუღლა ეკატერინამ მღვთის მშობლის ხატი, ღირებული 5 მ. 6) რუსუდან სიხარულიძისა გუდავადის ასულმა საცეცხლოური, ღირე-

ბული 5 მ. 7) ალექსი ბიჭიას ძე ჩიგოგიძეს მეუღლა სადიკომ ბარძიმის გასაწმენდი ხელსახოცი, ღირებული 3 მ. სულ 140 მანეთი.

სულით და გულით მადლობას ვსწირავ ზემოხსენებულ პირთ თავიანთი უხვი შემოწირულებისათვის.

მღვ. ანტონ კალანდაძე.

III

«მ რ! უმორჩილესად გთხოვთ, ნება გვიბოძოთ, რომ თქვენი პატივცემულის გაზეთის „მწყემსის“ საშუალებით გულითადი მადლობა გამოუცხადოთ, როგორც მე ისე ჩემმა მრევლმა ქვემოთ აღნიშნულ პირთ, რომელთაც ჩემდამო რწმუნებულის ზოდის წმიდის გიორგის ეკლესიას შემოსწირეს შემდეგი: ნივთები ა) მოწამეთის მონასტრის მღვდელ-მონაზონმა მამა სპირიდონ ბაქრაძემ ტრაპეზზე დასასვენებელი ხის ჯვარი მთაწმინდის ხელოვნება ვერცხლით მოქედილი, ღირებული 37 მან. და წმიდის გიორგის წინ დასაკიდებელი საზეთე, ღირებული 3 მან. ბ) აზნაურმა ილარიონ ოტიას ძე გაყრელიძემ სამრეკლოს თავზე დასადგმელი ჯვარი, ღირებული 20 მან. გ) მნათემ ამ ეკლესიისამ გლეხმა საჩინო სვიმონის ძე გაფრინდაშვილმა ერთი ემბაზი და ტრაპეზზედ გადასაფარებელი დიბა შეკერილი, ღირებული ორივე 20 მან.

მღვ. ალექსი ჯაფარიძე.

IV

«მ რ! უმორჩილესად გთხოვთ თქვენის გამოცემის საშუალებით უგულითადესი მადლობა გამოუცხადოთ დიდათ პატივცემულს აზნაურს ყარამან გარსევანის ძეს მაჭავარიანს, რომელმაც კეთილ ინება და შემოსწირა რწმუნებულს ჩემდამო ორღულის წმიდის გიორგის ეკლესიას ერთი დიდი ზარა, და ერთი დიდი კანკელი, ღირებულნი 180 მან.

მღვ. ირაკლი აბაშიძე.

განცხადებანი.

❦ ი ს ყ ი ღ ე ბ ი ა ნ ❦

დეკანოზი დავით ღამბაშიძისაგან შედგენილი და გამოცემული წიგნები:

თბილისში, წერა-კითხვის გამავრცელებელი საზოგადოების წიგნის მაღაზიაში, ქუთაისში—**«მწყემსი»**-ს რედაქციის სტამბაში, ძმ. კლაძეების, წერეთლების და ვ. ბეჟანიშვილის წიგნების მაღაზიაში და ყვირილაში—თვით გამოცემელთან.

1. საეკლესიო და ღვთის-მსახურების წიგნები.

- 1. **ლოცვანი** ნახატებიანი, გამოცემა მეამე. მართლ-მადიდებელი ეკკლ. უმთავრესი დღესასწაულების ისტორიული მოახრობი. ამ ლოცვანში არის მთელი წლის ტროპარ-კონდაკები, სერობა, პარაკლისი ღვთის-მშობლისა და ზიარების ლოცვა. აგრეთვე ამ ლოცვნის სრულს თვეთა მეტყველებაში არიან ჩართულნი საქართვე. წმიდანები მათი ისტორიული მართხრობით და ტროპარ-კონდაკებით. ფ. ყდით 50 კ. და უყდით . . . 40 კ.

- 2. წესი სწეულის ზიარებისა და ვრცელი პანაშვილისა, ფასი . . . 10 კ.

- 3. **სოცხლთა** და გარდაცვალებულთა მოსახსენებელი კონდაკი (კარგის ყდით) ფ. . . 30 —

2. სასწავლო და სახელმძღვანელო წიგნები.

- 1. **დარიგება** საღმრთო სჯულის სწავლებაზე, რომელიც უწმ. სინოდისაგან მოწონებულია როგორც სასწავლო საღმრთო სჯულისა საეკლესიო-სამრევლო და სხვა პირველ დასაწყის სკოლებში—ფასი . . . 30 კ.

- 2. იგივე დარიგება საღმრთო სჯულის სწავლაზედ რუსულს და ქართულს ენაზე ხმის ამაღლებს ნიშნებით—ფასი . . . 50 კ.

- 3. **დაწყებითი** გაკვეთილები საღმრთო სჯულის სწავლებაზე, ფასი . . . 15—

- 4. **ახალი** სასულიერო კონსისტორიათა წესდებულება—ფასი . . . 40 კ.

- 5. **მღვდელთათვის** საიდუმლოების შესრულების დროს საჭირო სახელმძღვანელო წიგნი—ფასი ყდით . . . 20 კ.

- 6. **საქართველოს** საეკლესიო ისტორია ფასი 45 კ.

3. სამკურნალო წიგნები და დარიგება მრთელობის დაცვაზე.

- 1. **ახალა** კარაბადანი, მეორე გამოცემა დამატებით, რომელიც განხილული, მოწონებული და ნება-დართულია კავკასიის საექიმო ჩიქვ-საგან—ფასი . . . 1 მ.

- 2. **დარიგება** მხედველობა და ცვასა და თვალების მოვლაზე, ფასი . . . 10—

- 3. **ჩვენებური «ბატონები»** და ექიმების ბაცილები და ბექტერიები . . . 5 კ.

4. შესანიშნავი მონასტრები და ეკლესიები და ამ მონასტრების აღმაშენებელთა ცხოვრების აღწერილობანი,

- 1. **მცხეთის ტაძარი** და წმინდა ნინო, ქართ. განმანათლებელი, ფასი . . . 25 კ.

- 2. **ბელათის მონასტერი** და ცხოვრების აღწერილობა მეფის დავით აღმაშენებ. . . 25 კ.

- 3. **შიო მღვმის მონასტერი** და ცხოვრების აღწერა ღირსისა მამისა ჩვენისა შიოსი . . . 5 კ.

- 4. **«თავარ-მოწ.»** დავით და კონსტანტინე და მოწამეთის მონასტერი.—ფასი . . . 5 კ.

- 5. **პარძიის მონასტერი**, ფასი . . . 5 კ.

- 6. **მარტვილის მონასტერი** . . . 2 კ.

5. საუფლო და ღვთის-მშობლის დღესასწაულების აღწერა სწავლად დარიგებით.

- 1. **ღვთის-მშობლის დაბადება**, სურათით . . . 2—

- 2. **ტაძრად** მიყვანება ღვთის-მშობლისა, ფ. . . 2—

- 3. **ამაღლება** პატიოსნისა და ცხველს-მყოფელისა ჯვარისა, სურათით . . . 2—

- 4. **შობა** უფლისა . . . 2 კ.

- 5. **მიჩქვა უფლისა**, სურათით.—ფასი . . . 2—

- 6. **ხარება** ყოვლად წმიდა ღვთის-მშობლისა 2—

- 7. **ბზობა** სურათით—ფასი . . . 2—

- 8. **აღდგომა** სურათით—ფასი . . . 2—

- 9. **მიძინება** ყოვლად წმ. ღვთის-მშობლისა, 2—

6. მოთხრობანი დაბადებიდან.

- 1. **მეფე სოლომონ-ბრძენი** სურათით—ფ. 5—

- 2. **მათერი** (მოთხრობა დაბადებიდან) სურ. 5—

- 3. **სიბრძნე** იაო ძისა ზირაქისა, სურათით. . . 5—

- 4. **იოსები** . . . 5—

მიიღება ხელის-მოწერა 1897 წლისათვის ორ კვირულ გამოცემათა ქართულს

კარძო საავათმყოფო ავტობიოგრაფიით

„მწყემს“-ზე

რუსულ «П А С Т Ы Р Ъ»-ზე

ქურნალის ფასი:

12 თვით «მწყემსი» 3 მ.	6 თვით «მწყემსი» 2 მ.
— „ორივე გამოცემა 3 მ.»	— „ორივე გამოცემა 3 მ.»
— „რუსული „ 3 მ.»	— „რუსული „ 2 მ.»

ისეილება

საქველმოქმედად

თამარ-მეფის

და

ზოთა რუსთაველის სახსიანი

ფოსტის ქაღალდი

თბილისის და ქუთაისის ქართულ წიგნის
მაღაზიებში

ფურცალი თითო კაკეიკად.

მოგებული თანხიდან ნახევარი შეეწირება ზემო-სიტყვარების ფონდს და ნახევარი მოხარდება იაფ-ფასიან და მუქად დასარჩევებელ სახალსო წიგნაკების გამოცემას.

მსურველთ შეუძლიათ მოიკითხონ «კვალის» რედაქციაში, ან დაიბარონ ფოსტით დ. ყვარლიძემ მიხეილ ბარამაძისაგან.

მოკლეს ხანში გამოგვა სხვა მოღვაწეების სახიანი ქაღალდიც.

ს. ბ. თოფურიანი

ქ. ქუთაისში.

სავათმყოფოში დღას ორმოცი საწოლი ხირურგიულ, გინეკოლოგიურ და შინაგან სენით ავათმყოფთათვის. მუწუკებიანი და გადამდები სენით ავათმყოფნი არ მიიღებიან. მოსიარულე ავათმყოფნი მიიღებიან ყოველ დღე 11 საათიდან შუადღის 3 საათამდე.

შინაგან და ნერვებით ავათმყოფებს მიიღებს

მ. ს. ბ. თოფურია.

ხირურგიულ შარღით და სიფილისით

მ. ფ. კ. ბერატი.

დედაკაცურ ავათმყოფთა და საბებიოს ქალი

მ. მ. ფ. კახანი.

თვალების ავათმყოფისათვის

მ. ი. კ. ვარშავსკი.

რჩევა დარჩების ფასი 50 კ., კონსილიუმის ფასი 3 მ. დღე და ღამე ქირა საავათმყოფოში სრული ხარჯით და ექიმობით 2—3 მანეთამდე. ავგრაციის ფასი გარეგებაზეა. (10—5)

სამკურნალოს დირექტორი ს. ბ. თოფურია.

შ ი ნ ა ა რ ს ი:

ოფიციალური განყოფილება: უწმ. სინოდის გარდაწყვეტილება.—

სალიტერატურო განყოფილება: ჭეშმარიტი დღეს სალომე თავდგირიძის ქალი.— იმერეთის ეპისკოპოსის გაბრიელის ცხოვრებიდან.— გაბრიელ ეპისკოპოსის სურათზე (ლექსი).— მიბრძანება მთავარ-ეპისკოპოსის საქართ. ექს. ვლადიმირის ახალ-სენაკში და ფოთში 12 და 13 ნოემბერს.—

სწავლა და მცნებება ძრისტიანობრივ საფუძნოებასა და ამითილ-წინაგაზე: სიტყვა ოცდამეხუთესა კვირიაკესა ზედა, თქმული განსვენებულის იმერეთის ეპისკოპოსის გაბრიელის მიერ.

— შეწირულებანი, და განცხადება.

რედაქტორ-გამომცემელი დეკ. ღ. ლამბაშიძე.

Редакторъ-Издатель П. Д. Гамбашидзе.

Дозволено цензурою, Тифлисъ, 29 ноября 1896 г. ♦ Цензуръ прот. Е. Е л и е в з.

Типог. редакци журн. „Пастыр“ (П. Д. Гамбашидзе) въ Кутаись, въ д. бр. Ханановыхъ, на Нѣмецкой ул.